

## Inuili'p siulersuisui sinnerlugit

Siulersuisuni ataatsimiinneq kiisalu oqarasuaatikkut ataatsimiinneq HHE'mi, Nuummi tallimannngornermi majip 24-ani 2013 nal. 14:00.

## Imaqarniliaq

Najuuttut:

Josef Therkildsen (JT), Siulittaasoq, Karsten Klausen (KK), siulittaasup tullia, Daniel Skifte (DS), Lena P. Fisker (LPF), Isak Vahl (IV), Poul Nørris Christensen (PNC), pisortaq, Anna Marie Knudsen (AMK), inspektør'i.

Oqarasuaatikkut peqataasut:

Erik Bjerregaard (EB), Helge Tang (HT), Lars Nielsen (LN).

Imaqarniliortoq: Anna Marie Knudsen.

Siluttaasoq najuuttunut tikilluaqqusivoq, aamma oqarasuaatikkut peqataasunut, nal. 14:00 eqqoqqissaarlugu.

Ataatsimiinnermi ullormut oqaluuserisassat makkua atorlugit ingerlanneqarpoq:

## " INUILI'p siulersuisui

Bestyrelsesmøde 24. maj 2013 i Nuuk samt telefon

## Ullormut oqaluuserisassat

Siulittaasup tikilluaqqusinera

1. Siulersuisut kingullermik ataatsimiinnerannit inaarutaasumik akuersineq imaqarniliamillu atsiorneq ataatsimiinnermit kingullermit.

2. Siulittaasumit nalunaarutit:

A. -

3. Pisortamit nalunaarutit:

A. Ilanngussaq 3A

4. Suliassanik qulequttanillu suliassaasunik taaguineq.
5. Oqaloqatiginninneq aalajangiinerlu siulersuisut katitigaanerat ilaasortallu amerlassusaat pillugu.

#### A. Ilanngussaq 4-13

6. Siulersuisut aalajangertagaasa illup iluanut avammullu siammartertarnissaat.
7. Siulersuisut tullissaani ataatsimiinnissaata aalajangersornissaa.
8. Tamalaat.”

### **1. Siulersuisut kingullermi ataatsimiinnerata imaqarniliaata inaarutaasumik akuerineqarnissaa atsiornissaalu.**

Akuerineqarlunilu atsiorneqarpoq

### **2. Siulittaasumit nalunaarutit.**

JT ilisimatitsivoq, pingasunngornermi sisamanngornermilu peqataasimalluni Ilinniartfinni pisortat ataatsimoorlutik siunnersuisooqatigiivini nuannersumi peqataasimalluni, PNC aamma KK peqatigalugit. Tamakkua saniatigut ilisimatitsissutigaa ajunngitsumik ingerlaavartumillu oqaloqatigiittoqarmat Inuili’p nutaamik pisortartaavi peqatigalugit. JT assersuutitut aamma oqaatigaa, nammineq aamma PNC junip 11-ani aamma 12-ani Danmarkimi suleqatitsinnut ilisaritikkiartorlutik pulaarniarmata Food College, Aalborg aamma Uddannelsescenter Holstebro pulaarlugit.

LN apeqqutigivaa allanik qulequtalimmik ullormut oqaluuserisassaqaarsimanersoq ilinniartfinni pisortat ataatsimiinnerini?

PNC: Nick Nielsen, Ilinniartitaaneq, Ilagiit, Kulturi, naligiissitaanerlu pillugu Naalakkersuisoqarfik sinnerlugu ataatsimiinnermut qaaqqusaasimasut. Ilinniartitaanerup politikkiata tungaanut imatut malunnaatilimmik nutaarsiassaqaarsimanngilaq. Nick Nielsenip saqqummiussimavaa, naalakkersuisut nutaat tungaaniit sulii ilinniarnissamik pilersaarusiortoqaarsimanngimmat aamma iliuusissatut pilersaarusiortoqaarsimanani, tamannalu piumaartoq ilinniarteqarfiit suliffeqarfiisa oqaloqatigineqarnerisigut.

Naatsorsuutigineqarpoq tamanna inissittareersimassasoq ilisaritissinnaallunilu upernassakkut 2014-mi.

PNC'p isumaa naapertorlugu periarfissinneqartussaavugut toqqaannartumik namminerisatsinnik sunniuteqarsinnaanngussasugut, ilinniartitaanikkut nutaanik pilersaarusiornit eqqarsaatigalugit.

Tunisassiornikkut siuarsaneq aamma sulinermit piffissatigut isumaqatigiissut qulequtaapput siunissami eqqartorneqarumaartut.

Inuussutissarsiutitigut Ilinniarfiit Nunatsinniittut Danmarkimi Inuussutissarsiutitigut Ilinniarfiit Peqatigiiffiannut ajunngilluinnartumik suleqatigiipput. Ilinniarfinni pisortat ataatsimiinnerani allattoqarfimmiit tapitartuuttumik saqqumiisoqarpoq inuussutissarsiutitigut ilinniartitaanerni taamaatiinnartarneq pillugu. Nunatsinni taamaatiinnartartut ukiuni kingullerni 8-10 allanngorpiarsimanngillat. Inuilimi taamaatiinnartarneq Nunatsinni ilinniarfinnut allanut naleqqiullugu anginerpaavoq. PNC: Naalakkersuisoqarfik piumaffigisimavarput taamaatiinnartartut naatsorsorneqartarnerini kisitsisaasut pillugit sukumiinerusumik nalunaarfigeqqulluta, taamaalilluta taamaatiinnartartut toraarnerusumik iliuuseqarfigissallugit anguniagalersorniaratta. Tassunga tunngatillugu ilisimatitsissutigissavarput, inuussutissarsiutitigut ilinniartitaanermut aallartittartut ullumikkut 50%-mik amerlanerummata siusinnerusumut naleqqiullugu, aamma ilinniartut agguaqatigiisillugit ukiui appasinnerulersimapput. Ilinniartussarsiornitsinni meeqqat atuarfianiit toqqaannartumik tigusalissavagut siunissami.

LN: Siulersuisuni issiavugut qulakkeerniarlugu inuusuttut pikkorissut ilinniartitaanissaat isumagissallugit taamaalillutik kalaallit inuussutissarsiornikkut suliffiutaasa inuusuttut pikkorissut iluatiginiassammassuk.

LPF aamma IV apeqqutigivaat siulersuini sulitillutik sulinermit annaasaqaatisisoqarnera siulersuini oqaluuserineqarsimanersoq?

LPF siulersuisuni peqataasarnermini annaasaqartarpoq, naak kattuffinneersut siulersuisuni sulinerminni annaasaqarpassinngitsut. KK: Siulersuisut nammineq tamakkua qulequttatut saqqummiuttassavaat suliassanngortillugit, tamannalu sulissutigineqarpoq.

### **3. Siulittaasup nalunaarutaa.**

Ilanngussaq 3A naapertorlugu:

” **Siulittaasup nalunaarutaa**

Narsaq ulloq. 16. maj 2013

-mit/ Poul N Christensen

## Aallarniineq

Pisortap nalunaarutaa ullormut oqaluuserisassat naapertorlugit qulequttanut immikkuualuttunut makkununga aggulunneqassaaq:

- A. Inspektør'imik atorfinitsisoqarnissaa allallu
- B. Naalakkersuisoqarfimmit pulaartoqarsimanera
- C. Kommune Kujalleq suleqatigineqarnera
- D. Ilinniarsiup ingerlatsinera

### A. Inspektør'imik atorfinitsisoqarnissaa allallu

Apriliip aallaqqaataani kiisami inspektør'imik atorfinitsisoqarpoq. Inuttassarsiuinermi neqeroorummi allaqqavog suut piumasaqaataanersut, taamalilluni qinnuteqaat ataaseq tiguneqarpoq inummiillu ataatsimiit apeqqutilliisoqarluni.

Qinnuteqartoq ataasituaq naatsorsuutigeriikkattut tassaavog Anna Marie Knudsen, tamannalu nuannaarutigaarput, tassami qinnuteqaqqullugu kajumissaarnikuugatsigu.

Anna-Marie-miit pitsaanerusumik kissaateqarluta inspektørissaqanngilagut, tassami ilinniagassanut assigiinngitsunut ingerlatatsinnut qanilluinnartumik ilisimaqareerpoq, INUILI'mut tunngasunut kiisalu aamma ATI'mut tunngasutigut.

Siunitsinni suliasaqarpugut angisuunik pingaaruteqaqisunillu taakkualu suleqatigiinnit suliarineqassapput siusinnerusukkut siunissamilu aaqqissuussinissamik ilisimasaqartunik.

Ilanngullugu aamma siusinnerusukkut oldfrue' erput Jensine Sørensen martsip qeqqata missaani atorfinippoq, qinnuteqartorpassuit akornanni. Tamatumani aamma nuannaaqaagut oldfrue' put uteqqimmat taamaalilluni suleqatai aamma misilittagaqarluartut kingorna suleqatigeqqissagamigit – Jensigne sammisamut ilinniareernikuuvog, fagiminut ilisimasaqarluarluni misilittagaqarluarluni tamannalu nuannaarutigeaarput – ingammik, ingerlatsinermut, pisiortuinermt atuarfimmi, hotel'imi aamma kollegiani sullissinermut ajunngilluinnartumik aqutsisinnaammat.

Illuatungaatigut suleqativut nuannarisavut inuulluaqqusariaqarsimavagut, inuttut nammineq pissuteqarlutik Danmark'imut utertariaqalersimammata.

Aliasuutigaarput teknikeritut faglærer' erput Jytte Wingfield, igasuni kokkefaglærer Rikke Lehmann Jensen aamma igasuni ilinniartitsisortut skolepraktertuni ilinniartitsisortut Anda Møller suleqatigiitsinniikkunnaarmata.

Sulisut soraaleraangamik tamatigut suliaassaqartinneqartarput nassatassaminnik, INUILI' mut pingaaruteqarmat ilisimasaat annaaneqassanngitsut, suleqatigiinnikkullu qulakkeerneqassasut, ilinniartitsisoqatigiit iluminni, tamannalu inunnit ataasiakkaanit pineqartunut tigulluarneqartarsimavoq.

Tamanna pissutigalugu inuttarsiorluta suleqatissatsinnik nutaanik pissarsiniarsimavugut ilinniakkamut sammisamut naleqquttumut piniarluta, tamatumani ilanngullugit igasut, tekniker'it aamma inuussutissalerisunik ikiortinik.

Atorfiit maani aamma soqutigineqarsimaqaat ilaatigut ilinniarluarpallaalaarsimasunik qinnuteqartoqarsimalluni.

Qinnuteqaatit tamakkerlugit suleqatitsinnit nalilersorneqarsimapput innersuussisarsimallutillu kikkut atorfinnut pineqartunut tulluarnepaatut isikkoqarnersut. Taamaakkaluartoq atofinnut toqqartukkavut tunuartitertarsimapput, akissarsianut tunngasut eqqartuleraangatsigit, tamannalu ajornartorsiuterujussuartut killileeqisumullu oqaatigisariaqarpoq, tamannalu INUILI' miit siulersuisuniillu annertuumik alapernaanneqartariaqartoq oqaatiginiarpara.

Tamannaajuusaarnaqaaq, tassami akissarsianut tunngasut il.il. sulisussanik pikkorilluinnartunik atorfinitsitsinissatsinnut akornusiivoq, qinnuteqartummi ilarpassui marlunnik arlaqarnerusunilluunniit ilinniarsimapput ( s.a. igasutut/saqisutut), tamannalu iluaqutsiullugu ilinniaartitaanermi ingerlaviit arlallit iluaqutigisatsinnik atorneqarsimasinnaallutik.

Ilanngullugu aamma teknikkut ajornartorsiulersimavugut teknikerfaglærer Elisabeth Berthelsen atorfininniarnani, ilutsinni allaffissornikkut kukkuluttortoqarneratigut piffissaq eqqorlugu qinnuteqarsimasunut ilineqarsimammat, naak piffissaq eqqornagu qinnuteqarsimagaluartoq.

Aprilip ulluisa 24'ani atorfinippoq massakkullu iliniarsimasaminut tunngatillugu atuartitsisarluni.

Pisoq Namminersornerusut sulisoqarnikkut naalakkersuisoqarfianit atorfininnissamut suliaqartartunit malugineqarsimalluni, paaseqatigiittareeriatallu atorfik neqeroorutigineqaqqissaaq, tamannalu ilinniartitsisumik igasussarsiorniarnitsinnut naapertuilluarpoq.

Qujanartumik aamma ajunngitsunik nuannersunillu oqaluttuassaqarpugut – tassalu marlunnik oqaaseqartunik iganermik ilinniartitsinnaasunik atorfinitsisimavugut, taamaalilluni Dagmar Poulsen 22. april atorfinippoq. Dagmar Inuiliimi ilinniarnikuuvoq, nuannaartuuvoq tatiginarlunilu.

Tamanna aamma igasunut faglærer Charlotte Eframsen'imut atuuppoq – suliaassarivaa skolepraktikkertut atuartissallugit ilinniartissallugillu.

Ataatsimut isigalugit tamarmi ajunngilluinnarpasippoq – naammaginarluinnartutut isigaara sulisut tamarmik tunniusimallutillu neriuuteqarpassikkamik. Tamanna amma sulisunut nutaanut nuannersumik tuniluussimavoq tamanullu iluaqutaalluni.

Piumaffigineqarpunga erseqqissassallugu, suleqativut massakkut ulluinnaqalersimammata toqqissisimallutik sulinermullu nuannaarnertik nassaariartuaarlugu – tamannalu uppersaannassavara erseqqissumik malugigakku taamaattoq.

Ulluinnarni ataatsimiinnernilu suleqativut ammanerulersimapput aamma suliffimminnut tunniussinerat annertunerulerpoq, isummatik annissinnaallugit ineriartornissamillu siunnersuutissarpassuaqarlutik.

Tamannarpiaavoq pisortatut ujartugara nuannaarutigaaarlugu aamma takusinnaagakku – ulluinnarsiutit nutaat atuutilerpata suleqativut aamma nukissaqarneruleqqissapput ineriartoqqinnissaminillu ukkatarinninnertik aallutilersinnaangussallugu.

## **B. Naalakkersuisoqarfimmiit pulaartoqarnissaa**

Naalakkersuisoqarfitsinniit aamma suleqatitsinniit allaniit pulaartoqaqattaartoqarsimavoq, tamannalu nuannersuavoq, ingammik Nunatta Kujataa ukkatarineqarmat uagullumi aamma taakkunaniit soqutineqarlualuta.

Pulaarnerit pingaarnerit ilaat taasinnaasavut tassaapput angalaqatigiit tallimaasut IIKNN-meersut, tassalu naalakkersuisoqarfittaarput - Ilinniartitaanermut, Ilageeqarnermut, Kultureqarnermut Naligiisitaanermullu Naalakkersuisoqarfik.

Pulaarnermik siunniussaq ilaatigut tassaasimavoq naliginnaanerusumik naatsorsuutitigut ukkatarinninnissaq, naatsorsuutitut ilitsersuutit, naligiissaarineq, pialuutit, USF, naatsorsuutini konto´nut inissiisarnerit il.il.

Ataatsimiinneq ajunngilaq illuatungeriinnullu tamanut tigussaasumik ingerlanneqarluni qulaani taakkartorneqartut ukkatarineqarlutik. Misilittakkanik paarlaassuisoqarpoq, soorlulusooq ingerlaatsit ileqqunngorsimasut nutaanik taarsersorneqarmata, taamaalillunilu INUILLI naatsorsuutitigut nutartertutut oqaatigineqarsinnaalerluni, tamannalu kingunerivaa aaqqissuusseqqinnermi assigiiaarnerusumik ingerlaaseqarlerneq soorlulusooq uagut akimut ersittumik kissaateqarnerput aamma inissinneqarluni.

Allaffitsinnut tamanna suliassaareersunut qaavatigut ilapittuutaavoq, tassami ukioq pereersut tamakkiallugit aamma uterteriarlugit nutaamik naatsorsuinikkut inissitassanngorsimagamik.

Ilanngullugu aamma perngavilluta varelager`imik kisitsivugut, tamannalu tamatsinnut nuannaarutaalluarpoq. Taamaalilluta nioqqutissatigut lagerimik aqutsinissamik system`imik nutaamik ujarlilerpugut.

Kisitsinerup nalaani kikkulluunniit assaqartut atorneqanngitsunik, ilinniartitsisut, ilinniartut, allaffissornikkut suliaqartut aamma sullissinermik suliaqartut (pedel'it aamma asaasut)

Immikkut nuannarilluinnarpara ilinniartut aamma kisitsinermi peqataammata, tamannami suliassaammat naliginnaasoq aamma ilinniartut prakikkerfiini ingerlanneqartarmata. Ilanngullugu aamma faglærerit eqimattatut aamma allaffissortut takussutissaqalerput ilinniartitaanikkut ingerlaviit qanoq atuisimatiginersut ingerlatsinerminni aammalu nioqqutissanik pisiniartoqaraangat ataatsimoortumillu nioqqutissatigut toqqorsiviit suut pigineraat takusassaqalerluni, kiisalu allaffimmiunut sakkussaalluni ajunngilluinartoq, siunissami naatsorsuutini konto'lersuisarnermi sakkussaagarluartutut inissimmata siunissamilu suleriutsit ulluinnarpalaartumik inissikkumaarlutik sungiutilerutsigik.

### C. Kommune Kujalleq suleqatiginera

Majip 13`ani borgmestertaatsinnit pulaarneqarpugut, siusinnerusukkut borgmesteriusimasoq, kommunaldirektørip tullersortaa aamma inuussutissarsiornermut pisortaq. Ataatsimiinneq inuppalaartumik ingerlanneqarpoq aallarniisuunerulluni, suleqatigiinnissamik periarfissaasinnaasunik ukkatarinninnerulluni.

Ataatsimiinnermi nassaarineqarput pissusissamisoortumik suleqatissarsiutigineqarsinnaasorpasut – oqaasertalersorlugit inuussutissalerinermi pissusissamisoorneri ersareqimmata, nammineq Kujataani tunisassiornikkut periarfissaasut ukkatarineqalerput Nunatta nammineq nioqqutissiassatut pigeriigai atorluarnissaat siunertarineqassalluni. Ilanngullugu aamma takornariaqarnermut inerisaataasinnaasutut periarfissaasut eqqartorneqarput nunallu immikkoortuani maani Kujataani nioqqutissiassanik tunioraasinnaasut tunisassiorsinnaasut pisaqarsinnaasullu qanilaarnerusumik suleqatigiittoqarnissaa eqqartorneqarpoq.

Pikkorissartitsinerit piginnaasaqarnikkullu inerisaanikkut ukkatarineqarneruvoq Neqi A/S suleqatigineqarnerulernissaa aamma kommunip inuussutissarsiornikkut immikkoortua.

Assersuutitut taaneqarsinnaavoq INULI'p laboratoriakut atortuutai inerisarneqarsinnaammata aamma tunisassiornikkut neqaarniat ingerlaqqittumik ilinniartitaanikkut ingerlaqqittoqarnissaa ilannguneqarlutik.

Tassunga tunngatillugu Inuussutissarsiornikkut, aatsitassarsiornikkut aamma suliffeqarnikkut Naalakkersuisoqarfik, Suliffeqarneq aamma kommune ajunngilluinnartumik ataatsimoortumik ataatsimeeqatigisimavarput, eqqartorlugu PKU'kkut aningaasaliissutit qanutut ataatsimoorluta atorluarsinnaanerivut. (Iluarsartuullugu pilersaarusiutut piginnaanilersuineq inerisaanerlu) aamma AMA aningaasat.

Suliassat pingaarutilerujussuit siunitsinni tamatta utaqquvaatigut, taamakualu ataatsimoorluta kivitseqatigiilluta sularissavagut, tamannalu assut qilanaarivarput. Ataatsimiinneq pimoorutivillugu neriulluarnertalimmillu ingerlanneqarpoq.

#### D. Atuarfiup ingerlatsinera

Naak sanaartuisoqangaatsiartoq atuarfiup iluani silataanilu, taava suliassat atuartitsinermut tigussaasunullu tunngasut tamakkiisumik naligninnaasumik ingerlanneqarusarput. Tamatta ataasiakkaarluta misiliilluta ulluinnarput naligninnaanerpaamik akornuteqanngitsumillu ingerlanniarsarivarput, tamannalu aatsaat iluatsissinnaavoq sanasut qanimut eqqartueqatigalugit. Oqaloqatigiinneq sapaatip akunneranut marloriarluni ingerlanneqartarpoq – iluarsartuussineq allanngortiterinerullu ingerlarna immikkut ataatsimmiiffiusarpoq – ataatsimiinneq alla illup annertusarneranut tunngasuuvoq.

Faglærerit tamaasa sanaartuinermut ataatsimiinnerni peqataasarput, taamaalilluni ilisimasat pilersarusiugassallu qulakkeerneqartuarmata ataqatigiisumik ingerlavilerlugit, sanaartornikkut pilersaarutit tassanngaannartumik allanngoriataarsinnaanerit pinaveersaarniarlugu, atuisullu tamarmiusut sapinngisamik tikinniarlugit. Misilitsinnerit kingulliit pilersaarutit malillugit sapaatip akunnerani 20´mi ingerlanneqassapput, tamatumallu kingorna teknikkikkut atortussiat (igaffiit il.il.) imarisai peerneqassapput nutarterillunilu suliassaq sapaatip akunnerata tulliani isertissapput.

Nuannarilluinnarparput maani najukkami aviisimut nalunaarusiortorput assiliisorpullu malilluinnarluta ineriartorneq nammineq isimini malinnaavigaa, taamaalillutik inuiaqatigiit ilisimatinneqalaartuarnissaat anguneqarsinnaammat. Ilinniartuutitta pikkorissartitattalu ingerlaviini assingusumik iliuuseqarput – allaallumi, sapaatip akunneranut pisortatigoortumik nutaarsiassanut ilanngussaqaqangajattarpugut, tamannami aamma siunniunneqarpoq.

Sisamanngornermi majip 23`ani nappaanersiorniarpugut, tassanilu Namminersornerusuniit pulaartussat, kommunemiit, sanaartuisuniit atuarfimiillu peqataajumaarpugut. Nerisassat pølsit allallu tassunga atugassat soorunami INULI´mit tunisassiarineqarput.

Inspektørip ukiup aappaata immikkoortuanut atuartitsinissamut susoqartitsinissamullu pilersaarutit sanasimavai, tamannalu qulaaniit isigalugu paasinaqaaq – pikkorissartitsinermut suliassat aamma taamatut aaqqissugaapput.

Neriulluinnarpugut, pisussat ataqatigiissaarlugit aaqqissinnaallugit, naak nutarterineq allanngortiterinerlu ingerlaruttoraluartoq, akornusersuivallaarnata.

Immikkut pingaarutilimmik pisussaq alla septemberip tallimaani pisussaavoq, tassani nunani isittuni suleqatigiinneq "Seashow" Narsap umiarsualivianut tulassaaq. "Seashow" tassaavoq immakkut puttalasoq, ilinniartitaanikkut takutitsivik, sineriassuatsinni umiarsualivinni amerlanerni tulattussaq, tassanilu najukkami innuttaasut ilinniartitaanikkut periarfissaajumaartut saqqummersinneqarnikkut malinnaavigissavaat.

Kommune Kujalleq suleqatigalugu najukkami pisussaqaaluppoq – s.a. INULI pilersaartoq "A taste of Greenland" ingerlanniarlugu, tassanilu arlalinnik ooqattaarutissanik pissanganartunik sassaalluteqassapput, najukkami tunisassiat najukkamilu nioqqutissiassatut pissarsiat atorlugit.

Ukioq manna procesteknikerit misissorsimavaat inerisarsimallugillu nipisaat atorluarnerunissaat inerisarniarlugu misissuiffigissimavaat – immikkut ukkatarineqarsimalluni



nipisaat angutivissat atorluarneruneqarnissaat eqqarsaatigalugu, s.a. nerpiliaq pujuugaq sanallugu, taannalu mamarluinnarpoq – burgerit atuinnarnagit allatut eqqarsalaarluni.

April qaammat mamassutsikkut misigisarujussuusimavoq nuannerluinnaqqissaartoq, tamatumani najukkami nioqqutissiassat atorneqarnissaat inerisarneqarnissaallu ilinniartunit pikkorissartunillu misiliutigineqarsimapput.

Pissangalluinnarluta naatsorsuutigivarput minnerunngitsumik pikkorissartut ilisimasatik nutaat atonerulissagaat suliffeqarfimminni.

Naggataatigut ilisimatitsissutigissavarput, Nunatsinni pissartanngorniunneq igasunut novemberip aallaqqaataaniit ingerlanneqarumaarmat 2013' mi, qilanaarpugullu unammersuartsinissamut aaqqissuissalluta.

Piareersaaneq pilersarusiornerlu akisussaaffigineqarpoq igasutsinnik Bjørn Jensen'imit, ikiorluarneqarporlu suleqatigisaminit Jeppe E. Nielsen, Hotel Arctic A/S i Ilulissani igaffimmi pisortaasoq.

Naak Bjørn juni' mi erniinnaq qimanniaraatigut, sulisut qimagartut allat assigalugit piumaffigisimavarput immikkut suliassaqartillugu, immikkullu ilisimasai atuarfimmigiinnartinneqassammata suleqataanullu ingerlateqqillugit."

Ilinniarsiup pisortaanit nalunaarutit ilanngussaq 3 A-tut agguanneqarpoq. Taassumap saniatigut PNC'p ilisimatitsissutigaa, resultatkontrakt'it pillugit isumaqatiginninniarnert Naalakkersuisoqarfimmiit imatut nalunaarutigineqarmat, ukiamut kinguartinneqarluni Namminersornerusunut qinersinissaq pissutigalugu. Siulersuisut nutaat taamaalillutik periarfissinneqassapput nammineq aalajangeeqataaffigissallugu. KK'p eqqaassutigaa, pisussat annertuut aallarniutaasumik isumaqatiginninniarnernut ilanngunneqarumaarmata minnerulaartullu september'imut aaqqilaaginnarumaaraat.

INUILI majip 23-ani nappaanersiorpoq. Pisoq Sermitsiamit immiunneqarpoq. Suna tamaat ajunngitsumik ingerlasimavoq. Pisortaq PNC kajumissaarneqarmat oqaatsitigut naatsunnguamik imaqarniliivoq.

#### **4. Suliassat qulequuttallu suliassanngortinneqartussat.**

Suliassanik immikkoortitsisoqarsimanngilaq.

#### **5. Siulersuisut oqallisiginninnerat aalajangiinerallu siulersuisut katitigaanerit ilaasortallu amerlassusaat pillugit.**

Kattuffinnit arlalinnit innersuussuteqartoqarsimavoq. LPF INK' mit innersuunneqaaqqissimavoq, taamatuttaaq JT SIK' mit innersuunneqaaqqissimavoq. Ersarissaateqarluni oqaatigineqarpoq INUILIP soqutigisai pineqarmata, taakkuummata ukkatarineqartussat aamma siulersuisut Naalakkersuisoqarfimmut innersuussuteqassapput siulersuisut qanoq katitigaassanersut.

KK: Inatsisit malissavagut. Pingaaruteqartoq tassaavoq tamatta inuussutissarsiornikkut pineqartumiit siulersuisuni sinniisoqaratta. Taamaalluta qulakkeersinnaagatsigu amerlanerpaat ilinniagaqarnissaat. Taamaattumik KK isumaqarpoq, detail handel pillugu sinniisoqartariaqartoq INUILIP siulersuisuni, inuttassaalu arlaatigut aalajangiisinnaassuseqassaaq aammalu nammineq aggerfimmunit aalajangigassanik aqqutissiuinnaasuusariaqarluni. Tassunga tunngatillugu KK innersuukkusuppaa Pisiffiup tullersortaa Ivan Kristensen. HT aamma EB innersuutigineqartumut isumaqataapput. Brugsenp Pisiffillu tamarmik GA´mi ilaasortaapput.

LPF´p aggerfianiit isumaqartoqarpoq, iffiortut neqaarniallu INUILI´p siulersuisuni ajunnginnerujussuarmik sinniisoqarsinnaasut. Inuussutissalerinikkummi? Immikkut ilisimasaqartutut qaaqquneqarsinnaavoq aalajangeeqataasinnaanani peqataasarluni. INK´p isumaa naapertorlugu, akunnittarfiit neriniartarfiillu ajunngilluinnartumik INUILIP siulersuisuini sinniisoqarluartut niuertarfinnullu tunngatillugu arlaatigut aaqqissuisoqartariaqartoq sinniisoqalerniassammata. LPF tassunga tunngasumik ilinniarsiup isumaa apequtigivaa?

KK erseqqissaqqippaa, tamatumani ilinniarsiup eqqarsaatiginerusariaqaripput, taammattumik pingaaruteqarpoq akunnittarfiit anginerpaat marluk Nunatsinniittut siulersuisuni sinniisoqarnissaat. Taakkuummata aamma ilinniarsiup avammut kiinaa kinaassusilerluarmassuk, soorlu GM´eqarnerani INUILI´llu ilinniarnermik sammivii tallimaasut sinnermassuk.

DS´p ilisimatitsissutigaa pingaartuummat kattuffia, NUSUKA, siulersuisuni sinniisoqartariaqarmata, tunisassiorneq laboratoriertalinni soqutigisarimassuk, procesteknikeritut ilinniartitaanermut naleqqiullugu.

Ersarissarneqaqqippooq siulersuisuni ilaasortat inuussutissarsiornerit sinnerlugu issiassammata, INUILI ilinniartitaanernik taakkununga tunioraasuummat.

IV: KNAPK aamma siunissami kissaatigaa INUILI´p siulersuisuni issiatitaqarniarlutik, tamatumuunilu innersuunniarlugu Isak Vahl. KNAPK´p soqutigaa ATI´toqqamut suleqatiginnissimanini ingerlateqqinniarlugu. KNAPK kissaatigisani tunngavilerpaa imatut, kattuffittut inuussutissarsiornermut pingaarnerpaasumut sinniisuujumalluni – inuussutissarsiummi taanna INUILI pilersorpaa aalisakkanik uumasunillu piniakkanik, nalunagu, KNAPK ilinniartuuteqanngitsoq.

KK isumaqanngilaq pisariaqartoq KNAPK Inuili´p siulersuisuni sinniisoqarnissaa, toqqaannartumik praktiverit´iunatik praktikertuuteqaratillu.

EB inatsisit innersuuppai: Siulersuisut pingaarnerpaamik suliaarivaat INUILI´p pisortaa sutigut tamatigut tapersersussallugu. Inuttut pingaartitavut qimallugit inissittariaqarpugut. INUILI inuussutissalerinikkut ineriisaasoqarnissaa qulakkeerniartussaavaa. SA aamma IV siulersuisuni sulinermit tumiliorsimangillat.

JT ilisimatitsissutigaa, INUILI allannguutini annertoorujussuarnik nalaataqarsimammat siulersuisutut atuuffimmini, taamaammat pisariaqarsinnaavoq inuussutissarsiutit nutaat siulersuisuni sinniisoqartinniassallugit, tamatumani niuertarfitsigut tunngasut ilanngullugit. JT isumaqarpoq, IV aamma DS INUILIP siulersuisuni issiatitaqartariaqartut.

Isumaqatiginartinneqarpoq INUILI'p siulersuisortaavi 7 ilaasortaqaassasut, taamaallaat kikkorpiaat siulersuisuni sinniisoqassanersut isumaqatigiissutigineqarsinnaanani. Massakkut siulersuisuusut tamanna pillugu Naalakkersuisoqarfimmut innersuussutiginiakkaminnik nassitsissaaq, taakkualu aalajangerumaarpat INUILI'p siulersuisuisa katitigaanissaat.

Tamanna pereermat aamma assortuussutigineqalerpoq siulersuisut qanoq atitutigisumik oqartussaassanersoq, aamma pisariaqarnersoq tallimanik, arfineq marlunnilluunniit siulersuisuni issiatitaqarnissaaq.

LPF INK'p tapersersuina DS'mut IV'mullu ilannguffigivaa. Taakkuummata kalaalaraqarfippassuarnut attaveqartut, kalaaliaqqat Nunatsinni pigisavut akimanerpaammata.

JT tamatumap kingorna inerniliivoq, marluvinnik isummertoqarsimasooq massakkorpiaq siulersuisuniittussanik: GA'qarpoq taavalu allat. Tamanna pillugu Naalakkersuisoqarfimmut siunnersuusiussaagut, taakkualu inaarutaasumik aalajangerumaarpat INUILIP katitigaanissaa.

KK: tassa imaappoq, notat'iliortoqassaaq tassanilu ersarissarneqassalluni, niuertarfiit sinniisoqarnissaat kissaatigigatsigut. Arlaatigut inuussutissarsiutinik sinniisoqarsimanngippat, taava aalajangeeqataanatik peqataatinneqarsinnaapput. Sulisut siulersuisuni sinniisoqassapput.

JT: Innersuussutaasumik allakkiussaagut, taannalu siulersuisunut kaavitinneqassaaq tamanut suli nassiutsinneqartinnagu Naalakkersuisoqarfimmut.

## **6. Illup iluani avataanillu attaveqaqatigiittarneq siulersuisut aalajangersugai eqqarsaatigalugit.**

Ullormut ataatsimiissimanermi aalajangersakkat Naalakkersuisoqarfimmut nassiunneqassapput.

## **7. Ataatsimiinnerup tullissaata inissinnissaa.**

Siulersuisut nutaat 1. september 2013 naapeqqaassapput. Tamatumap kingorna siulersuisunngortut tulliani siulersuisuni ataatsimiinnissartik aatsaat aalajangissavaat.

## 8. Tamalaat.

DS apequtigivaa INUILI´mi ulluinnarni qanoq ingerlanersut? Akissutigineqartoq tassaavoq ingerlalluarmata, ullut tamaasa unamminartunik nutaanik takkuttoqartarpoq. Ulluinnarni ingerlaasissat aallaqqaammut qanorpiaq atuleriartuaassanersut ingerlanneqarput, ataatsimiinnerit ataatsimoorlunilu naapeqatigiittarnerit ingerlaannaavipput naligninnaasunngorlutik sulisullu tamakkiallutik aalajangigassanut tamanut oqartussaaqataalernikuupput nammineq suliassaqaarfiisa oqartussaaffitik iluini.

PNC ilisimatitsissutigaa, pisortatut akissarsiassani aaqqissimammata, taamaallaat apequt ataaseq aaqqinneqarsimanani, tassaasoq siulittaasumut oqaluuseritinneqarsimasoq, qaammammut ataaseriarluni Nuummumut akeqanngitsumik angalasinnaatitaaneq. Siulersuisut tamanna aningaasaliiffigineqassasoq isumaqarput aammalu siulersuisut tamanna pillugu ilisimatiinnarneqarumaartut.

LPF INUILI´p ukiaaneranut 2013`mut pikkorissartitsinissaa assut naammagisimaarlugu oqaatigaa. Pikkorissartitsinermi sammineqartussat qulequttanik pingaarutilinnik imaqarput soorlu økologi, uumasut atugassarititaat il.il.

EB apequtigaa saqisut ilinniartitaanerat qanoq ingerlanersoq. Ilinniarfiup nalunaarutaa, modul 1, 2 aamma 3 ataatsimut katersornissaat assiinnngiaartumillu atuartiitigalugit naammagisimaarpaa.

PNC naggataarutaasumik oqaatigiumasai siulersuisunut, tassaapput siulersuisut maanna katitigaanerit ajunngilluinnarmat, aammalu siulersuisut pitsaaqutigilluinnagaat tassaammat, INUILI´p atugarissaarnera ukkatarilluarlugu sammineqalersimanera, kiisalu pisortat tamatigoortumik suliniarnissaannut qanorluunniit tapersersuinerat takutikkaa, siulersuisoqarsimagatta nukerujussualimmik.

Siulittaasoq ataatsimiinneq naggaserpaa qujallunilu ajunngitsumik pissarsinaqisumillu suleqatigiittoqarsimaneranut siulersuisut maanna qaangiutilersumi atuuffiusumi.

Ataatsimiinneq matuneqarpoq nal. 16.30.

Imaqarniliaq akuerineqarpoq ulloq

Josef Therkildsen

Karsten Klausen

Daniel Skifte

Helge Tang

Isak Vahl

Lena P Fisker

Erik Bjerregaard

Lars Nielsen